

مدیر مسئول

احمد شیرانی



صاحب امتیاز

احمد شیرانی



اعتماد

۲ — سنه

واعتصموا

۷۱ — عدد

۸ بیان
۱۳۳۶ سنه

{ هر پنجشنبه کونی نشر اول نور }

۱۸ رجب الفرد
۱۳۳۸ سنه

اسپرتو سوالنه جواب

کچن هفته اعتصامدن ایکی مسئله شرعیته ایضاحی صوریلوردی . ایکی مسئله نك برنجیسی شو شکله محرر بولنبوردی :

فضیلتا ب افندم :

نانه و ککیک و سائرہ باغرنی استحصال ایدن بر خرسنیاک یانده بولنش اولان پروین قرداشمز ، نه بولده استحصال ایدلایکینی اوکرنش ، یالکز یوز قیه صوبک ایجروسته برقیه قادار اسپرتو قویمدهن استحصال ایدله میورمش . بویولده پایلورسه بر محذور شرعی اولوب اولادیغنی سراق ایدیور . طبعی آنا استحصالده اسپرتو بخر ایدوب کیدیور . صناعده قوللانیمه سی لازم کلن اسپرتو ایله ایچیله ک دو اولان بویولده کی نانه و ککیک و امثالی باغرنک پایله سنک جائز اولوب اولادیغنی ایلک واسطه ایله اشعارنی بکلر واحترامانی تقدیم ایلرم افندم .

باندومه : او یایان زاده عبده ضیاء الدین

بوسواله — مسائل فقهیه به توفیقاً — جواب ویرمزدن اول ؛ اسپرتونک نه کی ماده لردن استحصال ایدلایکینی و کندیسند (سکر) خاصه سی بولنوب بولنادیغنی ا کلامق و ا کلامق لازم کلیور . کندیلریله مداوله افکارده بولندیغمز اجزایلرله دو قنورلر ، اسپرتونک ، پاک و ناپاک هر نوع مواد ابتدایشدن استحصال ایدلایکینی و (سکر) خاصه سی حائز بولندیغنی متفقاً سویله مکده درلر . اجزای ایله دو قنور آرمسند ، یالکز بر نقطه ده اختلاف افاده وار : اجزای : مواد سائرہ ایله مزج و ترکیب ایدیلیرکن ، حرارتک تاثیرله ، اسپرتو تماماً بخر ایدوب کیدر دیور . دو قنور ایسه ، بخر ایتسه ده ، ینه اثری باقیدر دیمک ایسته یور . ا کر پاک ماده لردن استحصال ایدلش و (سکر) خاصه سی غیر حائز بولنیورسه و یا خود ناپاک ماده لردن استحصال ایدلش و (سکر) خاصه سی ده حائز اولمله برابر ، اجزای نیک دیدیکی کی اشنای استحصالده تماماً بخر ایدوب کیدیورسه ، اسپرتو قاریشدیریلره راق یاپیلان هر نوع معمولاتک اعمال و استعمالده بئس کورمه مک حصرو صند فقههای عظام حضراتی متفقدرلر . ا کر ناپاک مواددن استحصال ایدلش سه ، و یا خود پاک مواددن استحصال ایدلکله برابر (سکر) خاصه سی حائز بولنیورسه و دو قنورک دیدیکی کی اشنای

استحصالدہ بخر ایسہ دہ بنہ اتری باقی ایسہ ، بو صورتہ اسپرتو ایله استحصال
اولنان مرتوع معمولانک اعمال واستعمالی خصوصندہ ، فقہای کرام حضراتی اوج
مذهب بیان ایسیورلر :

برنجی مذهب صاحبپرینہ کورہ ، بونوع اسپرتو ایله مخلوط و ممزوج اولان نانہ
و کیکک یاغلری ، لوانطہ و قولونیا کی عطریات و نجاست غلیظہ ایله نجس اولوب
اصابت ایستکری محارک مجرد قورو و معمری حسیلہ پاک اولمایوب غسل اولتالری
ایجاب ایدر . اگر لوانطہ و قولونیا دن آوج ایچی مقداری برکیمسہ نک بدنہ و یا خود
فماز قیلدینی محله اصابت ایدرہ ، مذکور محارک غسل اولتادن قبلنان نمازلرک
اعادہ سی لازم کلیر ، بو مذهب ایجابخہ صناعدن بشقہ برلرہ قولانیسلان بونوع
اسپرتونک و اونکله پاییلان معمولات سائرہ نک استحصال واستعمالی مشروع دکلدر .
ایکنجی مذهبہ کورہ ، بونلر نجاست خفیفہ دن معدود ایسہ دہ بنہ تطہیرلری
خصوصی نجاست غلیظہ کی اولوب فقط قول مذکورہ بناءً اصابت ایلدیکی محارک
مثلاً : قول و یا یکک رباندن دون مقدارده ایسہ « نمازک اعادہ سی لازم کلر » .
بومذهب ایجابخہ اوصاف سابقہ ایله متصف بولنان اسپرتونک و اونک ایله پاییلان
معمولات سائرہ نک استحصال واستعمالی محذور شرعی دن خالی دکلدر .

اوجنجی مذهبہ کورہ « بونلر یا کدر » مع هذا عبادات مسئلہ لرندہ اعتنا
و احتیاط واجب اولمخلہ اسپرتو ایله ممزوج بوکی عطریاتدن برکیمسہ نک بدنہ و یا
البسہ سنہ و یا خود نماز قیلدینی محله اصابت ایستدیکی تقدیرده مارالبیان وجه شرعی
اوزرہ اول امرده اول یرک غسلی ، بعدہ نماز قیلحق اقتضا ایدر .

بومذهب ایجابخہ دہ بونلرک استحصالی و عبادانہ متعلق محارکدن بشقہ برلرہ استعمالی
جائزدر . بو اختلافات علی المادہ احوال حقندہ در . مسلمان و معتد بر دقت و لزوم کوستردیکی
صورتہ استحصال واستعماللرینک جوازندہ اوج مذهب صاحبپرین آرسندہ اتفاق
واردر . وقتیلہ فتوا خانہ عالینک ویرمش اولدینی بر فتوا یه توفیقاً برزده بو وجهله
جواب وبردک . الله اعلم بحقیقۃ الحال و المال .

[باب عالی جادہ سنندہ اورخان بک خانی حقوق مطبعہ سی]